

古今奇案彙編



上海廣益書局發行

—古今奇案彙編—

有 著
作 權

中華民國十八年四月續版

全書八冊——定價二元

著 者 瀨江許慕羲

出 版 者 上海廣益書局

總 發 行 所 上海棋盤街中市廣益書局

本 埠 分 發 行 所 上海福州路中市廣益書局

外 埠 分 發 行 所 北平漢口江西宜昌廣益書局
廣東長沙開封奉天

分類

古今奇案彙編卷十九

冤屈奇案

蠹毒

某甲以負販爲業。恆經歲不歸家。惟一妻一母。母且盲矣。賴妻侍晨夕。妻甚孝。得母歡。姑婦也。而幾如母子。鄰里皆羨而敬之。會甲歸。母喜。命殺雞爲饌。時盛夏。卽設饌於葡萄架下。相與共食。而是日適姑婦皆茹素。惟蔬食陪之。相對語別後事而已。至中夜。甲暴卒。鄰里以爲異。咸來唁問。里正某聞之。謂死可疑。鳴諸官。驗之。則中毒也。疑婦有弘毒。掠之。婦不勝其苦。遂誣服。追問姦夫。則無有也。又掠婦倉卒。無以對。隨口供曰。十郎。十郎者。甲之從弟。每遠客。卽屬之代。照拂家事者也。官拘十郎。至。問姦狀。十郎不承。又掠之。婦見十郎之無罪而被刑也。大不忍。爲之泣下。十郎顧之曰。嫂。婦亦泣曰。叔叔。官大怒曰。姦夫淫婦。於法堂之下。猶不知恥耶。

掠之益急。十郎亦誣服。獄上。中丞某公疑其冤。將平反之。爲幕友所尼。遂不果。婦與十郎遂相對環首市曹矣。一時輿論咸訟其冤。中丞聞之不樂。乃微行訪之。至某甲家。見盲媪方坐櫓下泣。就問所苦。媪曰。吾哭兒婦耳。中丞佯問故。媪曰。吾兒慘死。雖未知其由。然實命也。昏官無道。恣其淫威。誣我賢婦。坐以大辟。吾死當爲厲以報之矣。中丞又故問賢婦狀。媪曰。他人不知。吾豈亦不知耶。吾子出門。渠卽夜夜伴老身宿。夏驅蚊蚋。冬爲擁背。雖母女無逾此恩。夫復何隙而爲姦也。聞撫軍仁慈。吾方昕夕盼獄上。冀得平反。今若此。撫軍亦憤憤輩耳。天乎冤哉。吾欲一叩帝闈。而代吾賢婦一白此冤也。中丞聞之。慚汗如雨。復與絮語。及食雞事。中丞疑之曰。與家人同食雞。豈有獨死汝子者。毒必非雞。媪曰。是日適吾姑婦皆茹素也。中丞曰。雖然。雞寧有能毒殺人者。或有他故耳。旣而又問食於何所。媪告之。乃出錢使代購一雞。熟之。置諸葡萄架下。昔食日處。熱氣上騰。少遷。見一縷細絲。自上而下。入盛雞盤中。窮極目力始克見之。深以爲異。試以一糲投犬。犬斃。頓大驚。

悔曰。誤民命也。此吾之過矣。遽返署。召集承審此案各員。鳴騶至媪家。媪大驚。跪迎。各員亦莫喻其旨。中丞命烹雞。熟而置其處。召各員同觀之。親示以所下細絲。復以雞投犬。犬斃。使役人毀其架。索之。得一蠹。長四寸許。細絲蓋其涎也。各員相顧失色。中丞曰。此甲死之由也。今而後婦之寃死得白。謂非吾輩之罪歟。即日持以上聞。自請議處。邑令以誣論抵。餘降罰有差。

安邑獄

林寶光。山右安邑巨室。五旬餘。始得一子。名繼業。至六旬外。家計益饒。而精神衰頹。不勝勞乏。延中表之子張岐指者。其左手有贅指。故名。其爲人少年佻達。而有心計。俾總理家業。持籌握算。井井有條。寶光倚賴之。是歲。繼業年十五。寶光爲之聘同邑富室楊氏女。畢姻有日。張戲爲繼曰。弟年未弱冠。焉知房中事。盍倩我代。勿貽新娘笑也。繼業怒之以目。晉俗嫁女者。親串與役人。隨送三日而還。其迎娶之家。戚友畢集。兩姻家上下溷雜。往往不能認辨。是時。繼業親迎回。闕從者數百。

人有小偷程三兒者。右手亦有歧指。溷入廝役隊內。奔走出入。欲乘間肆竊。是晚內外醮客畢。其客中之年少者。羣擁新郎入密室。縱酒行令。必欲新郎醉而後已。時張亦在座。至二鼓。忽患腹疾。告繼業而回。適三潛入客舍。盜襲客之衣冠帶履。居然上賓。欣欣得計。闖入新婦房。時已夜深。女眷各散。僕婦使女皆倦臥外室。鼻息雷鳴。三兒不知衣飾所在。舉燭照之。見新婦美而艷。三兒心動。急闔戶釋衣。推新婦臥。新婦誤爲其夫。難與抗拒。聽其解衣寬帶。時覺有歧指相觸。狂蕩甫畢。急起著衣而遁。新婦斯睡。未幾。諸客皆醉。繼業歸房。不見新婦。舉燭照之。新婦見非前人。急起詰曰。汝是何人。擅敢逼視。繼業笑曰。予爾夫也。新婦愕然曰。何以爲信。繼業曰。何爲不信。新婦曰。果爾。汝以手與我驗之。繼業出兩手以觀。新婦大哭曰。有歧指者。已冒作新郎。去猶未久也。繼業觸張岐指謔語。盛怒。拔劍而去。張父聞叩門聲甚厲。急起拔關。繼業突入。噪曰。惡奴張岐指何在。索與俱死。張父方駭愕間。家人皆聞聲出勸。甫奪其劍。岐指亦捧腹出。覩繼業顏色兇暴。問何怒爲。繼業

見其仇。突前結其胸襟曰：鳴冤去。衆皆問故。則愧忿難言。張父知不可解。羣擁至縣。縣官乃燕人方尹。喚兩造入。問之。繼業訴其謔語。與冒姦事。張始覺。極口呼冤。曰：小人腹疾歸家。今猶未愈。安有是事。繼業曰：其腹疾。卽脫身詐冒計。况新婦稱歧。指冒新郎。卽爲確據。方尹正思喚新婦質對。忽聞喧嘩聲。二老者相結至。一老曰：予爲楊宦。以女與林寶光之子爲婦。縊死房中。以究其故。一老曰：新婦因何縊。而子亦不知何往。求爲伸雪。尹指繼業曰：是非爾子耶。寶光大駭曰：何以先至官也。始問悉其故。尹命二老各書親朋僕役姓名。咸按驗之。無歧指者。問失物否。客懼爲訟累。僉諱曰：無之。尹又訪問張歧指。好爲桑間濮上之游。始信冒姦情確。嚴刑之。張不勝楚。竟自誣服。律擬大辟。已決訖矣。方尹以丁憂去。未幾。隣縣獲盜。卽程三兒也。畧一研鞠。遽將冒姦事。自認不諱。且指所竊之衣履爲証。鄰縣以贓物移知安邑。繼任者悉召林寶光之客。皆出認被竊故物。且訴當時不言之故。始誅三兒。而擬方尹以誣良之罪。嗚呼。聽訟者可不慎哉。

學生

同州有兄弟學生者。年二十。貌皆姣好。聲音笑言。雖家人往往誤識。惟於衣履取別焉。少孤。同從學於其叔。入泮後。並有聲庠序。然性皆多疑。既授室。各防閑其妻。伯得子。訝曰。何酷似其叔也。得毋汝已作陳平嫂耶。妻大恚曰。汝與叔有何分別。何怪懷抱中物。伯終不釋然。故疏其防。但留心以伺其隙。仲妻爲郡中巨族女。容色埒其嫂。而鍼黹過之。尤工繪事。一日。仲囑曰。汝旣善畫。盍寫吾二人小照。妻問作何裝束。布何景物。仲曰。俗式須避之。今當作春嬉圖。汝衣單衫。支頤湖石。我出浴。着半臂。不衫不履。把卷欄前。妻曰。似大鄙媠。將何以舉示人。仲固強之。數日寫成。神情逼肖。且集古句以題之。曰。但傳消息不傳情。一半梨花一半鶯。珍重從今常倚壁。卿須憐我我憐卿。仲玩不去手。旣而諦視。忽訝曰。汝爲誰寫眞乎。妻不測其由。還應曰。我亦弗知爲誰寫耳。仲曰。囑汝寫我。幾曾着汝寫兒。妻聞之。兩頰暈生。強笑曰。汝弟兄面貌。原不相遠。但我第知寫汝。不知寫伯。仲見其面頰變色曰。

不與汝證據。汝肯甘耶。兄左腋下黑痣。惟我知之。汝未見其裸程。何以寫此。妻無以對。取圖審視。曰。幾爲汝所窘。此蠅矢所污。非筆點者。汝自目力不濟耳。仲不顧。輒握拳。捽髮痛毆。欲出之。妻之父母聞之。大闕。具牒鳴於太守。太守驗其兄。果有痣。獄不能決。會邑宰入白事。守告之。宰曰。職初任沔縣時。亦有孿生姊妹。而其姊爲夫家所出者。母家來訴。訊之。蓋其妹夫素佻達。恒給其姊夫曰。已曾與大姨交好。苟不信。乳間有朱癩。可證也。其姊夫歸驗其妻。果有赤癩。大如錢。遂信而出之。職詰其姪。力言實出戲言。緣已妻乳間有癩。故聊以爲戲。初不料其亦然也。復驗其妹。不妄。訟始息。今毋乃亦若是乎。守因命裸仲觀之。左腋下果亦有黑痣。與伯無異。仲乃服。守不之罪。判而釋之。判曰。審得某氏子。雙生並育。一乳二男。合浦明珠。旣剖胎而得二。崑山白玉。自琢璧以成雙。顧何以婚締絲蘿。恒致調乖琴瑟。似防夫弟。詎生兒敢羨參軍。娣避夫兄。輒寫照逢嗔太尉。彼反夫妻之日。曾生疑在兩腋紅癩。此傳伉儷之神。胡搆訟爲彈丸黑子。有意成蠅。皂白何難剖別。無心造

象。彼蒼故示神奇。須知太璞自完。微瑕何玷。從此任窺青幃。嫂不妨爲阿叔解圍。時或出易新裝。嬌豈至將伯兄錯喚。無更尋癥索綻。還須篤愛敦倫。

小衛玠

山右衛生世家子也。兒時穎悟過人。溫其如玉。十三歲。應童子試。學使者命題面試。賞其文。以爲神童。拔冠一軍。且謂其學校官曰。此小衛玠也。異日當清貴。可善視之。由是小衛玠之名。噪於一翼。遐邇皆傾慕之。願妻以女。生益自負。擇配殊不肯草草。顧幼失恃怙。而家甚寒。年將弱冠。迷好尙虛。生攻苦彌篤。自以爲青紫唾手可得。但有千鍾粟。何患無顏如玉也。邑鬪翁者。家稱素封。有女珊瑚。年及笄。美而慧。女紅之餘。酷嗜翰墨。翁與人酬應書札。類皆倩女代筆。翁益愛憐之。嘗誇謂戚黨曰。我家有掃眉才子。若開閨閣科。何患不狀元及第也。坐是遴選東牀。頗難如願。一日。珊瑚與嫂。五臺禮佛歸。途中適與生遇。珊瑚秋波頻睨。情殊惓惓。嫂窺其意。悄謂之曰。小姑知此人乎。此卽鄉里所稱小衛玠者。是也。渠與家兄爲社友。

過從甚密。故識之。小姑如有意。當使兄爲執柯。珊柯紅暈於頰。笑而不答。既歸。思戀綦切。飲食俱廢。嫂固與珊柯善。不時省問。珊柯喟然。低聲謂嫂曰。我亦不解何故。他日歸後。魂魄若失。似此懨懨。恐非佳兆也。嫂戲慰之曰。小姑得毋爲小衛玠乎。果爾。得諧伉儷。的是嘉耦。當卽風示渠。央吾兄來請命於翁。無不諧也。但其人才豐境。家徒壁立。與相如等。未審小姑患貧不。珊柯嘆曰。實告嫂氏。妹籌之已熟。命好。貧亦可富。不則富亦可貧。富貴在天。有命存焉。何患貧之與有。惟嫂氏圖之。嫂笑曰。如此易矣。小姑請自保重。不三日。必有以報命。珊柯大喜。厥疾頓瘳。里有某公子者。父官粵東太守。卒於任。宦囊充物。公子扶襯歸。服闋。年甫十八。適聘妻某氏病卒。耳珊柯名。倩媒求婚於翁。翁慕公子門第多財。遽喜諾之。嫂聞之。知難挽回。乃備告珊柯。且婉勸之曰。非嫂方命。奈翁已許公子。雖智如良平。亦難爲計。聞公子少年。才貌亦不減小衛玠。況門第家道。有過之而無不及。可見婚姻大事。自有天定。人力斷不能與造化角勝。似此天作之合。未嘗非福。小姑亦何必甲

彼乙此沾沾然成心不化哉。珊柯聞之無可如何。祇得惟父命是聽。亡何吉期已屆。公子親迎。演劇宴賓。備極華侈。夜分客散。入房更衣。復出自私。突有人掩出其後。以刀洞其胸而殪之。其人疾入房。吹滅燈燭。知珊柯坐牀上。入幃遽抱求歡。珊柯以爲公子。賊問君何爲者。如此鹵莽。其人低答曰。我我非公子也。乃小小衛玠也。感感汝意。特特來謝。珊柯驚曰。公子行且至矣。宜速去。毋使兩有不便。其人曰。公公子。我我已刃之。可請放心。珊柯賊曰。汝真言耶。曰。那敢相誑。珊柯頓足失聲大哭曰。汝累我矣。奈何。其人知不可犯。又恐人至。急摸取珊柯髻上簪。出房拔關竄去。比婢媪等聞珊柯哭聲。各秉燭來問訊。見珊柯被髮汗喘。慘無人色。爭前問故。珊柯具告所以。衆大驚。急出覓公子。果見洞胸。僵仆地下。血流徧地。須臾合宅男婦畢集。公子兩弟未及成童。撫屍大哭。平明具狀訴於邑宰。詞內並牽連珊柯。保無知情。邑宰卽率伍伯來驗。時當暮春。見公子身着短袷。俯仆地上。果係出其不意。被刺身死。乃拘生與珊柯。分別研訊。珊柯哭稱。素與生漫不相識。實不知

情及至訊生。生素未登公堂。驟見有司。厲聲叱詰。倉猝莫知所對。情殊惶恐。邑宰信以爲眞。遽請褫革巾衿。備加榜虐。生不堪酷刑。遂致承服。爰書既訂。直延頸以待秋決。珊柯雖不知情。以事出有因。亦不能遽釋出獄。會按察某公。由牧令起家。陳臬晉省。慮囚及生。頗疑其冤。思爲平反。而苦不得法。夜夢一人。持銅鏡一枚。擲地碎其半。而存其半。歌曰。銅鏡如月。半明卽滅。先缺後圓。先圓不缺。寤後尋繹夢兆。味後二語。忽有所觸。乃授計獄吏。淨除一室。備設牀幃衾枕。縱生與珊柯聚處。其中以察其情形來告。獄吏如命。並具肴酒。延二人至而告之。曰。公子一案。業已定讞。憐汝二人。實一雙嘉耦。生離死別。近在指日。特具不腆。聊與稍叙決絕。勿却爲幸。二人俱再三固辭。獄吏笑曰。我不過一片哀矜之心。並無他意。請勿疑慮。決不使長官知之。言訖。鑰扉徑去。初五臺途中之遇。珊柯因嫂知生。而生固不曾留心於珊柯也。自公子獄起。生以爲珊柯素無仇隙。意外橫遭誣陷。殊深抱恨。至珊柯雖有意於生。自遭公子之變。頗恨生凶暴。前念頓灰。茲被鑰於一室。彼此相視。

未免心動。珊柯見生溫文爾雅，似非殺人之人。卽或如此，亦因愛我起見。我幸免禍，而生指日卽正典刑，究竟與我毫無所染，徒喪厥生，情殊可憫。一種憐生之心，不覺時形於色。生雖嘗耳珊柯豔聲，未曾見面，卽獄起，偶與對質，更不敢公然平視。今近在呎尺，細意領略，果信名不虛傳。因憶獄吏之言，死期伊邇，與其徒坐虛名，不如暫圖實樂。縱正典刑，死亦無憾。乃強顏向前，揖珊柯而歎曰：小生與娘子平日並無仇隙，一旦橫遭誣陷，果何故耶？珊柯腴腆久之，嘆曰：君所作事，君自知之。妾縱不無憐君之心，然殺人者抵有國法在，於妾何尤也。生嘆曰：卿今日尙以爲殺人者，眞小生耶？以卿視小生，力乏縛雞，豈能殺人者耶？卿旣苦口相坐，百喙難解，但枉彼虛名，心實不甘。卿如慈悲，俾得一親肌膚，死亦瞑目矣。言訖，便拉珊柯求歡。珊柯聞生所言，心甚淒然，雅不欲拒，解衣並寢。曲盡綢繆，事已。珊柯問曰：始君口吃，而狐臭之氣刺鼻，今何不爾也？生笑曰：小生向無此疾，卿何所見而云然也？珊柯因述曩日公子被害後，其人滅燭入幃，所聞實係如此。然則果非君耶？

生嘆曰。事已至此。想是夙冤。今蒙卿見憐。何復尤怨。珊柯又將五臺歸後。如何抱恙。如何與嫂同謀。歷歷爲生具述一過。生不勝感激。嘆曰。小生謬承錯愛。若非娘子述及。至死不知。然此中消息。得毋漏洩。俾奸人乘機假冒。致嫁禍於小生乎。珊柯嘆曰。閨房秘語。人何由知。信如君言。果係含冤。然爰書既訂。料難平反。君如屈死。妾誓相從九原。決不獨生也。二人喁喁細語。獄吏潛聽甚晰。一一轉達於公。公笑曰。得之矣。亟密召鬻翁至。問曰。汝家來往人等。有口吃而狐臭者乎。翁沈思久之。對曰。平日來往人等。惟衣工金二朋者。如此。公曰。是矣。亟飛簽拘金至。公見其氣像猛鷲。料非良善。據案叱曰。汝殺某公子。嫁名衛生。何也。金固口吃。聞公言。頓驚失色。口中喃喃。猶欲強辨。公叱左右。搜其身。果得質券一紙。贖取驗之。卽珊柯當日髻上簪也。公笑拈以示金曰。贓物已得。汝猶欲辯耶。叱令痛笞之。果吐其實。先是金幼從師。學爲衣工。在翁家製衣。比長。所業甚精。翁家男婦衣。大半皆金手製。及珊柯長成。所需衣裙。非金製不着。金嘗聞珊柯美。恨未一見。珊柯偶往省姑。

氏金竊窺之。不禁狂喜。以珊柯衣。非已製不着。謬幸於已有緣。時萌妄想。有某媪者。向在翁家服役。固與金有私。前珊柯與嫂所謀衛生一事。不料媪屬垣有耳。聞之。戲述於金。金久欲圖珊柯。正苦無當。聞媪言。陡生惡計。乘公子新迎。潛入其宅。拚爲孤注一擲。計殺公子。假冒生名。當可遂願。卽不然。嫁禍於生。已亦可脫然無累。至是盡吐其實。以金坐抵。而生寃以白。公念生無罪。幾陷大辟。訶責邑宰及承訊各官。使爲媒。以珊柯妻生。並罰醪賞助奩。資生膏火。以贖其譽。聞者無不嘖嘖稱頌。公始悟夢兆。銅鏡擲碎其半者。僅存二金字也。歌詞銅鏡如月。半明卽滅者。月合半明爲朋字。統合之。金二朋卽滅也。後二語。謂生與珊柯當爲夫妻。先有缺陷而後團圓。然必先暫使團圓。而後乃無缺陷。故曰先缺後圓。先圓不缺也。公初授計獄吏。固是揣度結句而有所觸。不謂果以此而獲眞犯也。生出獄後。喜妻珊柯。又得所助醪賞。益發奮下幃。尋聯捷入詞館。秩躋清要。士林傳爲美談。足徵學使品藻不謬。

鄂秀才

東昌卞氏業牛醫者。有小女字臙脂。才姿慧麗。父寶愛之。欲占鳳於清門。而世族鄙其寒賤。不屑締盟。以故及笄未字。對戶龔姓之妻王氏。佻脫善謔。女閨中談友也。一日送至門。見一少年過。白服裙帽。丰采甚都。女意似動。秋波縈轉之。少年俯其首趨而去。去既遠。女猶凝眺。王窺其意。戲之曰。以娘子才貌。得配若人。庶可無憾。女暈紅上頰。脈脈不作一語。王問識此郎否。答云不識。王曰。此巷南鄂秀才秋隼。故孝廉之子。妾向與同里。故識之。世間男子。無其溫婉。今衣素。以妻服未闕也。娘子如有意。當寄語委冰焉。女無言。王笑而去。數日無耗。心疑王氏未暇。即往。又疑宦裔俯拾。邑邑徘徊。縈念頗苦。漸廢飲食。寢疾憊頓。王氏適來省視。研詰病因。答云。自亦不知。良久。王戲之曰。果爲此者。病已至是。尙何顧忌。令彼夜來一聚。彼豈不肯。女嘆息曰。事至此。已不能收。但渠不嫌寒賤。即遣媒來。疾當愈。若私約。則斷斷不可。王頷之。遂去。王幼時。與隣生宿介通。既嫁。宿偵夫他出。輒尋舊好。是夜。